

183.

D. D.

CANONES MEDICI,

Quos,

Dissertatione Medica;

Venia Exper. Facult. Med.

In Reg. Acad. Ups.,

PRÆSIDE

Viro Nobilissimo atque Generoso

D. D. CAROLO a LINNÉ,

EQUITE AURATO DE STELLA POLARI,

S:Æ R:Æ M:ÆTIS ARCHIAT. MEDIC. & BOTAN PROFESS.

ACAD. PARIS. PETROP. ETC. MEMBRO, ET FAC. MED. EDING. SOC. HONOR.

PRO GRADU DOCTORIS,

Publicæ disquisitioni proponet

AUCTOR

SVENO AND. HEDIN,

Phil. Cand.

Stipendiarius Kåhreanus

Smolandus.

In Aud. Carol. Mai. D. 29 Nov. 1775.

H. A. & P. M. S.

UPPSALIAE,

Apud JOH. EDMAN, Regiae Acad. Typogr.

S:Æ R:Æ M:TIS.

ARCHIATRO,

Equit. Aurat. de Stella Polari,

Regii Collegii Medici Præsidi,

atque

Acad. Imper. Nat. Curios. Reg. Societ. Scient. Upl.

Nidros. ac Reg. Acad. Holm. Membro.

Nobilissimo & Experientissimo Domino

D. ABRAHAMO BÆCK,


PATRONO SUMMO.

*Vir magne, est, vereor, Tibi munera parva clientem
Maxima promerito reddere, grande nefas.
Ostia sed timido qui pulsat pollice, fætum
Audacem Domini gratia certa facit.
Sit licet incomitus, tamen hic Tibi pingere possit,
Quam patrius sancto ferrebat igne focus.
Namque ut Te facilem das cuilibet atque serenum,
Consilium vel Te qui prece pascit opem;
Me sic hanc aliter, Patronum summe, fovisti,
Progeniem caram quam solet ipse parens.
Sit mea nunquam non tanto fortuna favore
Tuta Tuo, curæ pars ego simque Tuae!
Te dulcis maneant & longæ præmia vitæ,
Et Prolis videoas commoda multa, precor!!*

Permansurus, dum vixero

NOBILISSIMI ET CELEBRATISSIMI NOMINIS TUI

cultor & cliens humillimus
SVENO AND. HEDIN.



§. I.

Omniū Sc̄ientiarū, quāe post tot Annorum experientiam, tantosque Summorum Virorum Labores humanum Genus ornant, nulla existit adeo conjecturalis, quin quosdam saltem Canones ostendere queat, quibus innixa, dogmata sua explicare satagit. Matheſis suos habet certissimos, Physica suos, ceterāe. Medicinam, scientiam licet omnium præstantissimam, meritis tamen superstructam conjecturis, omnique defitutam certa ratione, ipſe Plinius & omnes fere, qui pristino vixerunt tempore, crediderunt. Hoc nostro, quo jam vivitur, scientiis licet maxime illustrato, forsan nec desunt oſores, quos, vi Veteris Adagii, ignorantēs merito vocamus. Scientia Medica ingenia prorsus Secularia Statoresque habuit, sic ut nulla sit Medicina pars, quin a Summis in Ordinem redacta Magistris. Hinc etiam nostro aevo ad illud fastigium est eveſta, ut ceteris minime sit postponenda. Etenim omnibus erroribus celebratissimorum Virorum opera fere jam remotis, Medicina adſertis æque indubitatis superstruitur, ac ipsa *Physica experimentalis*. In præſenti hac dissertatione *Canones quosdam Medicos* proponere in animum induxi; Ejus enim sunt indolis, ut Medicus, his ignoratis, firmo nunquam talo insisterē queat, dum, e contrario, horum solertia nixus, Ægrotos optatam valetudinem feliciter recuperaturos certus sperare potest.

A

§. 2.

§. 2.

Natura optima morborum Medicatrix.

Sapientissimus Creator, cunctis animalibus facultatem quandam innatam esse voluit, quæ custodis instar, ad omnia ea adtenderet, quæ in corpore fiunt, ne aut excessu aut defectu machina destrueretur. Ex effectibus suis hanc novimus, illamque *Naturæ nomine insigne solemus*; Quid autem sit natura, quisquis, ingeniostissimus licet, se nescire fateri cogitur. *Mentem & Naturam* in corpore functiones prorsus diversas peragere, neminem, vel paulum adtendentem, fugit. Mens cogitat & de rebus extra se judicat, Natura autem in perpetua est actione, adeo ut, hac cessante, ipsa cesset vita. Docta est a nullo licet edocta. Hinc infantes, qui acido in primis viis laborant, nullaque nec experientia nec institutione edocti, carbonaceam quamcunque & calcaream materiam ingurgitare videmus, acidum ut temperetur. Decipi non potest natura, & ea, quæ corpori salubria sunt, optime novit: Noxium quodpiam, si in corpore fuerit receptum, maximos facit conatus, ut expellatur, anxia semper ipsius conservationem quærens. Si vulneratum fuit corpus, in sanando vulnere intensissima, novas generat fibras, cuteque cicatricem obducit nova, id, quod Medicus nulla sua arte efficere potest; Ossa fracta conglutinat & omnia in corpore laesa reparat. De Chirurgo legimus, qui omnia incassum tentasset in curando intestini recti prolapsu, tandem candente ferro se intestinum ablaturum simulavit, quo terrefactus Ager, intestinum sua sponte reposuit Natura.

§. 3.

Natura repugnante, Medicina nil valet.

Quo verius est naturam optimam esse Morborum medi-

medicatricem, eo certior evadit hujus Canonis veritas. Medicus quamvis Theoria & Praxi consummatissimus, invita tamen natura selectissimis Medicamentis nihil proficit. Chirurgus emplastris omnique suo adparatu, in minimo vulnere sanando nihil efficit, ubi Natura Medicinam respuit. Vomitus adhibitis paregoricis & opiatis non sistitur, quamdiu putridum quodpiam in ventriculo latet, perpetuo nauseam movens. Hæmorrhagia nulla Medicina sanabilis, mentionem facit Boerhave. Puerum quendam vulnere laborantem, qui nullo negotio a Chirurgis sanari potuit, tandem sanavit Gen. Dus: Præses, frustula ossea sublata, quæ coalitionem impedit. Strumæ puerorum omnem sæpe illudunt artem; ad sequentia itaque adtendendum.

§. 4.

Quo natura vergit, eo ducenda.

Medico curæ nihil magis esse debet, quam ut natum presso quasi pede sequatur, si enim optat ut sua remedia felici coronentur successu, sciat se Naturæ esse Ministrum. Quamdiu imperturbatum manet corpus, sanum est, ubi autem vitio Diætæ turbata fuerit sanitas, morbus existit; Hic autem nihil aliud est, quam vehementior naturæ nifus, quo malo se liberet, id quod aut vomitu vel diarrhoea, aut sanguine vel sero peragere plerumque solet. Hinc Medicus ad ægrotum vocatus, si viderit, ipsum nausea & vomitu laborare, sibi non minus, quam ægroto male consuleret, si talia præscriberet medicamenta, quibus vomitus sisteretur, natura enim satis superque convincit, se vomitu esse curandam. In Febribus ubi semper a miasmate deglutito existit ad vomitum nifus, ante omnia, Emetica propinanda, quæ naturam sublevare possunt. Si in his crisi per sudorem futuram animadvertisimus, quæ diaphoresin augent mini-

me intermittenda. Hæmorrhoides, nunquam licet sint procurandæ, si tamen tanta sanguinis moles ad vasa hæmorrhoidalia fuerit progressa, ut nimium doleant, repellentia prorsus erunt rejicienda, quippe quæ hæmoptysin aliqua longe intolerabilia mala producere possunt, sed potius Natura, hirudinibus applicatis, sublevanda.

§. 5.

Natura, data porta, eo ruit.

Variæ sunt exempla hujus Canonis veritatem comprobantia. In Apoplexia sanguinea, causam suam, a ruptis intra calvariam vasis, repetente, Medici Sanguinis missione certius ignorant medicamen, quo per amplum vulnus a capite derivetur sanguis, dum venæ extravasatum absorbent, quo facto, a pressione liberatur Cerebrum. Quando a contusione, sanguis in telam cellulosam fuerit effusus, Venæ fæstione utimur, quo, sanguine venis resorpto, inflammatio resolvatur. Gonorrhœa virulenta, si adstringentibus intempestive fuerit intercepta, virus eo ruit, quo porta patet; Hinc apud Auctores non infrequens sic mentio, idem per nasum, coryza heic stimulante, pleno quasi alveo fluxisse. In Phthisi a distillantibus acribus humoribus fetacea congruentia judicant Practici, ut, hac data porta, a pulmonibus vertatur malum. Per ulcera cacoëthica ipsum saepè effluxisse chylum, nullo non tempore observatum.

§. 6.

Evacuationes binæ simul vix persistunt.

Unicus si excipiatur morbus, cholera scilicet, axiomatice clarior hic Canon. Salva Natura, fieri non potest, ut binæ simul persistant evacuationes, unde etiam de hac veritate certiores facti Medici, vo-

mi-



mitum curant diarrhoea. Ubi hæmorrhigiaæ parium nulla alia medela, venam secati Artis periti jubent, sat gnari ex binis evacuationibus effectus.

§. 7.

Dolor dolorem trahit.

Medici, si hac destituerentur spe, desperatis rebus in Podagra & Arthritide retrogressa, Ægrum fato suo relinquerent; si autem dolorem, illo intensiorem excitare Possunt, quam quem **materia** morbifica excitavit, hoc loco morbus cessat. Hinc etiam sua moxa veteres podagram ad pedes revocarunt facile, id quod vesicatoriis & sinapismis, nostrates æque facile obtinent. In Variolis, dum pustulas a facie derivare cupimus, pediluviis & Sinapismis pro scopo utimur, effectu raro deficientibus. In Ophthalmia, Synocha, cucurbitulis scarificatis, immo etiam in Gonorrhœa intempestive clausa, ceris medicatis fluxum provocamus.

§. 8.

Omnne evacuans debilitat.

Quæcunque fuerit evacuatio, corpus enervat & debilitat, hinc etiam ob catamenia feminæ viris longe sunt debiliores. Qui Diarrhoea per quosdam tantum dies laboravit, pallore faciei & membris tremulis debilitatem sat prodit. Gonorrhœa laborans inveterata, vires adeo perdit, ut tremorem artuum fere per totam vitam ferre cogatur. In Febribus inflammatoriis, ubi circulatio sanguinis intensissima, repetitis Venæ sectionibus, tandem coërcetur. Juvenis cuiusdam Boerhave meminit, qui paralyticum habuit brachium post evacuationem nimiam sanguinis, vulnere factam. Tabaci fumatores fere semper macilenti sunt, pariter ac qui rebus venebris nimium indulgent. In India Orientali, ubi solis effus

Ritus maximus est, incolæ ob sudorem nimium sola cū te ossibusque consistere crederes.

§. 9.

Venena curant, esculenta conservant Corpus.

Ut hic rite intelligatur canon, explicandum erit, quæ sit differentia inter venena & esculenta. Venena ea adpellamus, quæ minima licet adhibita quantitate a corpore respuuntur, dum contra, esculenta ea reparant, quæ quotidie motu & frictione a corpore teruntur. Omnia medicamenta, ut venena consideranda sunt, quia corpus alterant, agendo vel in fluidis vel in solidis, vel maxime in systemate nervoso, præter acria. Hæc ipsa venenatissima, observatis observandis, optimam nobis præbent Medicinam. Elaterium exempli causla nominasse sufficiat. Cum his haud aliter comparatum est, ac cum novacula, quæ quo acutior fuerit, eo melior & hebetiori semper præferenda.

§. 10.

Natura expellit Toxica simulque impura.

Nuperrime explicavimus illam esse venenorum indolem, ut a natura statim expellantur. Heterogeneo itaque in corpore existente, toxica propinanda judicat Medicus. Etenim natura hæc nullo modo perfrente, eo ipso, quo toxica exterminare studet, impura quæcumque simul expellit. Hoc sat lucide ex purgationibus adparet, ubi non solum primæ viæ purgantur, sed ipsa quoque sanguinis massa, id quod rationibus ex Physiologia petitis facile explicatur. Hinc etiam in Odontalgia rheumatica Sialagogis eliminatur malum; fontes enim natura aperit omnes, ut abluantur acria, dum simul materia noxia ejicitur. In febribus intermittentibus propinato emetico, naturam simul cum veneno, viscidam ex-

expullisse materiam, notarunt observatores, qua sublata, sanitatem mox recuperarunt ægroti.

§. 11.

*Venenatissima a minima dosi, sufficiente vehiculo
incepta, heroica evadunt.*

E toto regno vegetabili nullum adeo cognoscitur perniciōsum venenum, quin moderata dosi & sufficiente vehiculo sublatum, propinari queat. Absit, ut Veterum sequamur sententiam, fugiendo venena, etenim non datur venenum nisi a dosi, & dum a minima incipimus, lente progrediendo ad majorem, maxime heroica habemus. *Opium, Spigelia, Hyoscyamus*, ceteræ, effectus, fidem superantes omnem præstiterunt, ubi in manu periti fuerint rite administratæ, dum contra, *Medicamenta heroica in manu imperiti sunt, uti gladius in dextra furiosi*. Sæpe dum Hannibal ante portas, ab orci quasi faucibus heroicorum usu fuit ereptus æger. In Variolis confluentibus *opium* sacra ancora; in passione Illiaca, a spasmis scilicet originem ducente, forsan ab aliis caussis, unicum. Quid si heroica talia fugeret Medicus? brevi certe cum ægerto esset aetum. Cautelæ tamen heic variæ observandæ, ut status ægroti quam maxime respiciatur, si enim splendescere incipiunt oculi & pupilla dilatari, sciatur Medicus sibi esse adquiescendum. Mercurius sublimatus, venenum quamvis inexstirpabile, sufficienti tamen si adhibetur vehiculo, ut adeo particulæ diluantur & dosis simul moderata, in Lue venerea id præstat, quod aliud prorsus præstare nequit remedium.

§. 12.

Consuetudo debilitat Medicamentum, sæpe mutarum arguit ignorantiam.

Medio hic Medicus tutissimus ibit; ab altera enim parte

parte consuetudinem sibi oppositam habet, ipsa vena
na irrita facientem, ut de Rege Mithridate narrant hi-
storiæ, ab altera caveat, ne, priusquam explorata satis
Medicamenti vi, novum propinet, sicque ægroto & ad-
stantibus incertam ignorantiam prodat. In chronicis mor-
bis maxime medicamentis opus esse, experientia docuit,
si autem Medicus, sine debita attentione, eadem saepius
repetit medicamenta, consuetudine tandem fracta natura,
iis nihil efficit, quæ alii insveto porrecta, præsentissimum
ostenderent esse. Turci, apud quos adeo obtinuit
opii usus, ultra duos scrupulos progrediuntur, id quod
tertia parte apud nos sumptum, certam adferret mor-
tem. Abstemio spirituosa minima dosi Medicinam præ-
bent, Helluoni, vel maxima quantitate sumta, parum
corpus alterant.

§. 13.

Medicamentum curat Speciem, raro Genus Morbi.

Species morbi a caussis desumendæ sunt, & prout
hæ variant, variæ quoque existunt species, suum quæcun-
que requirentes medicamentum. Res autem ut clarior
evadat, exemplis est collustranda. Si quis *Vertigine* fuc-
rit correptus, sisyphi saxum volueret Medicus, generali
quodam remedio **Genus** morbi curaturus, ubi caussæ
diversissimæ adeo naturæ, Species æque diversas faciunt.
Etenim nullus non videt, alia adhibenda remedia, dum
a vitiis intra calvariam existentibus, originem trahit,
(Si quid in his Medicus potuerit,) alia a plethora, a
Scabie retropulsa alia, a collari denique nimis adstricto
alia. *Epilepsia* nec minus variæ sunt causæ; *Poconiam*,
Valerianam extollunt Medici, parum tamen profuturas,
ubi depressio calvariæ, vel caries ejusdem morbum
generant. *Gummi Ammoniacum*, sacra licet in *Asth-*
mate humorali sit ancora, irritum tamen Medico fore,

si a Vomica causam repeteret species morbi. Tinctura cantharidum præstantissimum licet omni tempore habita est diureticum, sin autem in Ischuria a Vesicæ inflammatione præscriberetur, idem esset, ac fomentum igni præbere. Hanc quoque reputandam statuimus causam neglectus Selectissimorum Medicamentorum; Medicus enim ignarus, in qua demum Specie Morbi hoc vel illud sit Specificum, postquam repetitis vicibus in diversa longe specie tantavit incassum, ut nocuum prorsus in desuetudinem venit.

§. 14.

Qualitate vis Medicamenti detegitur, experientia confirmatur.

Ab odore & sapore omnes cognoscuntur plantarum qualitates, quæ Medicum nunquam decipiunt. *Systemate enim, qualitate & experientia, eruitur omnis usus plantarum.* Cui hac de re Aqua hæret, non dubium quin vitia cerebro hæreant. Rem autem tantæ utilitatis Generi humano, cui detegere reservatum fuit, plus præstítit quam qui metallorum fodinas ditissimas detexit. Ubicunque terrarum jam Medicus deget, a priori de obviis sibi plantis judicare potest. Hinc si amatissimam invenerit, illam in omnibus illis morbis profuturam judicat, qui acido caussam debent. Tetrum si spargit odorem, ipsam veneni quodpiam habere, luce clarius est. Si autem experiri simul licet, quæ a qualitate medicamenti constat, omne adeo dubium removetur, ut firmissima fiat medicina.

§. 15.

Qui miscet contraria contrariis, idiota est.

Scientia Medicorum Veterum in eo fere consistebat, ut maximam Medicamentorum molem in unam

formulam congererent, diversissimæ prorsus compositionis, qualitatisque; *Mithridatum* & *Theriaca Andromachi* hoc satis probant. Composita e Medicina fere proscriberentur, simplicia optime agunt, & ubi hæc præscribit Medicus artis suæ peritus, de remedii effectu non dubitat. Nam ut svadet *Villanov.*; qui postest mederi simplicibus, dolose & frustra querit composita. Cui sententia accedit Hoffmannus: qui longas remediorum formulas præscribit, aut dolo peccat aut ignorantia. Addi potest; si a compositis tandem sequeretur effectus, cuicunque demum ingredienti sit adscribendum, detegi vix potest, unde in Medicina confusio maxima. Ast ubi contraria miscentur, ignorantiae notam vix ullo modo effugit Auctor. Pungua & acris, acida & Amara in eadem formula congesta, non possunt non idiotam prodere. Ubi in pilulis falsia præscribuntur facile deliquescentia, in emulsionibus quæ album mutant colorem, nec melius res se habet.

§. 16.

Contraria Contrariis curantur, Morbi Morbis.

Omnia in tota rerum Natura contraria esse, demonstratione vix egere videtur. *Calor* & *frigus*, *lux* & *tenebrae* invicem opponuntur. *Calx* & *humus*, hic plantis destrutis originem debet, illa Animalibus. In homine sunt *Cerebrum* & *Corpus*, *cruor* & *sangvis*, verbo: omnia opposita. Contraria autem contrariis curari æque est indubitatum. Qui *Apoplexia* laborat, si in *paralyxin* abit malum, *Apoplexia* curatur; id quod accidit, Si *Synocha* fuerit correptus æger. *Mania* tollitur *Dysenteria*, *Epiphora* *Diarrhoea*, *Pleuritis* *Hæmorrhagia*. *Convulsiones*, ultima naturæ conamina, *Lethargo* sopiuntur & contra. *Hydrops* cavitatur *Diabete*, *Polysarcia* *Marasmus*, *Cephalalgia* *Coryza*. *Flatulentia* tollitur *Ructu*, *Nausea* *Vomitu*, *Amblyopia* *Epi-*



Epiphora. Adeo ut si contrarios semper excitare posset Medicus morbos, nullus vix existeret incurabilis.

§. 17.

Ubi unica via salutis, illa licet cum periculo tentanda.

Eo cum processit malum, ut hic obtineat Canon, *Ægroti necessario moriendum, si quæ superest salutis via intentata relinquitur.* In Ulceribus malignioris indolis, dum cortice peruviano impediri nequeat, quin Sphacellus irruat, amputatio tandem est adhibenda, ne a Membris per totum dispergatur corpus. In Vesica, si calculus latet Lithon-tripticis omnibus frustra tentatus, ejusque molis, ut per uretram progredi nequeat, ad sectionem tandem veniendum, & sic in ceteris. Famæ autem si consultum cupit Medicus, adstantes certiores faciat, necesse est, in quanto jam discrimine versetur æger, si enim progressu ultima tentaverit, Animam sciant ægroti ipsum a tartaris quasi revocasse, sin vero frustra fuerit ipsius opera, ne dicant: Medicum occidisse, quem ipsius fors interemit.

§. 18.

Temporibus Medicina valet, data tempore, prodest.

Suo tempore & congruentibus Medicamentis nihil fere incurabile est. Tempus lucrari si Medico licet, illa saepè servari potest vita, cui, per semihorium sibi relata, misere pereundum erat. Inflammatio initio probatis remedii facile resolvitur, sin autem in Sphacelum abit, vix medela Superest. Hydrops increscens brevi cedit medicinae telesæ, ubi autem altiores egerit malum radices, Medicorum evadit Scandalum. Phthisis, dum prima suæ signa prodit, medicamenta raro irrita, confirmata au-

tem

tem *Aesculapium* illudit ipsum. Ætas ægroti non pa-
cum juvat. Vulnera, fracturæ aliaque innumera mala
in pueru facile curantur & juvane, ubi blandi humores
& natura prona Medicamenta sublevant; In sene e con-
trario, licet vel minimum esset malum, irrita tamen
pleraque; Natura enim debilitata aī interitum suum
properans, minimo destruitur. Hæc autem breviter
de *Canonibus Medicis*, Tibi, B. L. tradimus, plura ad-
ferri possent, vetat autem tempus, prohi-
bet Res angusta domi. Itaque ma-
num de Tabula.

